



Uunga:

Jens Napatôk'
Inatsisartunut ilaasortaq

§ 37 naapertorlugu apeqqummut nr. 68-2025-mut akissut

Inatsisartut Suleriaasianni § 37, imm. 1 naapertorlugu ikummatissat imerpalasut akii pillugit Naalakkersuisunut tulluuttutut apeqquteqarputit.

Apeqqutit kingorna, apeqqutit akineqarput.

Apeqqut 1: Nunatsinni orsussap/ikummatissap akia qaffattariaqarnera sumik tunngaveqarpa?

a. Kisitisilersorlugu nassuiarneqarsinnaava?

b. peqqutigineqartut qanoq uppersarsarneqarpat?

Akissut: Naalakkersuisut KNI A/S-imik kiffartuussinissamik isumaqatigiissuteqarput. Akigititat nikinnaveerlugit, taamaalillunilu akigititanik ullormut nikeranngitsunik innuttaasunut qulakkeeraluni KNI tuniniaasunut isumaqatigiissusiornissaanut, kiffartuussinissamik isumaqatigiissut periarfissiivoq.

"Siornatigut immikkut ittumik iluanaarutaasimasut Kalaallit Nunaanni atuisunut iluaqutissannortinneqarnissaat pillugu Namminersorlutik Oqartussanik isumaqatigiissuteqarneq patsisaalluni, 2024-mi aamma 2025-mi maajip tungaanut akit immikkut ittumik appasitsinneqarsimanerat kingullertigut qaffaanermi pingaarnertut patsisaavoq. Immikkut ittumik iluanaarutit taakkua massakkut atorsimalerput, tamannalu akinik qaffaanermut pingaarnertut patsisaalluni. Akit qaffannerinut suna patsisaanersoq allakkatigut uppersarsarneqarluni, tamanna Namminersorlutik Oqartussat oqaloqatiginerisigit uppersarsarneqarpoq."


Apeqqut 2. Nunarsuarmi orssap/ikummatissap akia ukiut kingillit qulit qanoq inissisimava?

Akissut: Apeqqutit akinissaanut KNI A/S akissuteqaqquneqarami tulluuttutut akivoq:

"Ukiuni kingullerni qulini nunarsuarmi niuerfimmi akit (Danmarkimi akinut missingersuutit), KNI-milu akit nallersuunneqarnerat tulluuttumi takussutissiami takuneqarsinnaapput. Akit akitsuusiagaagamik toqqaannartumik nallersuunneqarsinnaapput."

13-05-2025
Sags nr.
Dok. nr. 25360011

Postboks 1015
3900 Nuuk
Tlf. (+299) 34 50 00
Fax (+299) 32 50 02
E-mail: govsec@nanoq.gl
www.naalakkersuisut.gl



Akissut: Apeqqutip akinissaanut KNI A/S akissuteqaqquneqarami tulluuttutut akivoq:

"Qanoq annertutiginersoq KNI-p ammasumik paasissutissiissutiginnilaa. KNI akinut allannguutissanik siunnersuuteqaraangami, akinik allannguinissaq sioqqullugu ikummatissaq uninngasuutigineqartoq kiisalu kingorna ikummatissap pisiarineqartup qanoq akeqarnissaanik naatsorsuutigineqartoq eqqarsaatigineqartarput. Siornatigut ikummatissamit pisiarineqartumit ikummatissaq pisiarineqartoq akikinneruppat, taava tamanna atuisumut iluaqutaalluni akimut allannguinermut ilaatinneqartarpoq. Tamanna sikusartuni aamma sikuneq ajortuni toqqorsivimmiittuutigineqartunut kiisalu ikummatissaqarnermik ingerlatsiviup Kangerluarsorusermi, Nuummi aamma Sisimiuni pingaarnertut toqqorsivimmiittuutaannut atuuppoq."

b. Uulia/Ikummatissap akia nunarsuarmi toqqammavilersuutaasoq sooq uningasuutaareersut nungunngitsut ilanngullugit qaffaasoqarpa?

Akissut: Apeqqutip akinissaanut KNI A/S akissuteqaqquneqarami tulluuttutut akivoq:

"Apeqqutit 1-imut, 4-mut aamma 5-imut akissutit takukkit."

Apeqqut 6. Neqi A/S-imut KNI A/S-imut orsussamit/ikummatisanut sinneqartoorutit nuunneqartarnikuusut ukiut qulit kingulliit qanoq immikkut tamarmik annertutigippat?

Akissut: Apeqqutip akinissaanut KNI A/S akissuteqaqquneqarami tulluuttutut akivoq:

"Siornatigut peqquserlussimanerit, nuutsinerillu paasineqartut iluarsaanneqareeramik sinneqartoorutit Neqi A/S-imut nuutsisoqarnikuunngilaq. Ikummatissaqarnermik ingerlatsivik KNI A/S-imut atavoq. Ikummatissaqarnermik ingerlatsiviup aamma Nioqquteqarnermik ingerlatsiviup akornanni aningaasanik nuutsisoqannginnissaa pillugu, taakkua aningaasaqarneri immikkoortissallugit KNI pisussaavoq."

Apeqqut 7. Allanut orsussap/ikummatissap sinneqartoorutaanik nuussisoqartarsimava?

Akissut: Apeqqutip akinissaanut KNI A/S akissuteqaqquneqarami tulluuttutut akivoq:

"Apeqqut 6-imut akissut takuuk."

Apeqqut 8. Naalakkersuisut apeqqummut allanik eqqaasassaqarpat?

Naalakkersuisut allanik ilassutissaqanngillat.

Inussiarnersumik inuulluaqqusillunga



Jens-Frederik Nielsen